



Bosna i Hercegovina
Federacija Bosne i Hercegovine
Kantonalno tužilaštvo
Zeničko-dobojskog kantona

Broj: 06-04-8-1-R2/24
Zenica, 13.05.2024. godine

Na osnovu člana 70. stav 4. Zakona o javnim nabavkama („Službeni glasnik BiH“, broj 39/14 i 59/22) Glavni tužitelj Kantonalnog tužilaštva/tužiteljstva Zeničko-dobojskog kantona donosi

ODLUKU
o poništenju postupka javne nabavke

Član 1.

Poništava se postupak javne nabavke kancelarijskog materijala i sitnog inventara broj 06-04-8-1-R2/24.

Član 2.

Ova odluka stupa na snagu danom donošenja.

Član 3.

Ova odluka objavit će se na web-stranici www.kt-zenica.pravosudje.ba istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i članu 71. stav 2. Zakona o javnim nabavkama BiH.

O b r a z l o ž e n j e

Na osnovu Odluke Glavnog tužitelja Kantonalnog tužilaštva Zeničko-dobojskog kantona broj 6/04-11-8-2-R2/24 od 22.03.2024. godine pokrenut je postupak javne nabavke robe - kancelarijskih potrepština putem konkurentskog zahtjeva i portala javne nabavke.

Procijenjena vrijednost javne nabavke, bez PDV-a, iznosila je 15.000,00 KM, a postupak javne nabavke je proveden po kriteriju najniže cijene.

Obavještenje o tenderskoj dokumentaciji objavljeno je na portalu javnih nabavki dana 25.03.2024. godine u 14:36 sati pod brojem 5486-7-1-5-3-4/24.

Komisija za provođenje postupka javne nabavke roba, usluga i radova imenovana Rješenjem broj 06/04-11-8-2/24 od 19.01.2024. godine, sačinila je Zapisnik o otvaranju ponuda, Zapisnik o pregledu i ocjeni ponuda kao i Izvještaj o radu Komisije.

U postupku javne nabavke utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda 2 (dvije)
- da su blagovremeno zaprimljene 2 (dvije) ponude
- da nije bilo neblagovremenih ponuda

- da je ponuda ponuđača R&S d.o.o. Igmanska b.b., Vogošća shodno odredbi člana 2. stav 2. tačka 1) podtačka 3) Zakona o javnim nabavkama BiH nepravilna jer nije u skladu sa tenderskom dokumentacijom ugovornog organa
- da ponuda ponuđača „AERO EXCLUSIVE“ d.o.o., Kolodvorska 12, Sarajevo nije prihvatljiva jer je znatno veća od osiguranih sredstava za predmetnu nabavku
- da ugovorni organ, obzirom da su sve primljene ponude neprihvatljive, nije provodio e-aukciju i javnu nabavku je završio u skladu sa odredbom člana 69. stav 1. tačka b) Zakona o javnim nabavkama BiH.

U postupku javne nabavke robe – kancelarijskog materijala i sitnog inventara putem konkurentskog zahtjeva za nabavku roba, ugovorni organ je u tenderskoj dokumentaciji (tačka 4.1. Priprema ponude i tačka 8 Aneksi i obrasci), objavljenoj i na portalu javnih nabavki dana 25.03.2024. godine, definisao kriterije i uslove pripremanja ponude i taksativno naveo koje anekse i obrasce, njih ukupno sedam, su zainteresovani ponuđači u sadržaju svoje ponude dužni dostaviti ugovornom organu, kao i da će ponude koje nisu u skladu sa tenderskom dokumentacijom biti odbačene kao neprihvatljive.

Pregledom i ocjenom blagovremeno zaprimljenih ponuda Komisija za javne nabavke utvrdila je da ponuda ponuđača „R&S“ d.o.o. Igmanska b.b., Vogošća u svojoj sadržini ne uključuje „Aneks 1 – Obavještenje o javnoj nabavci“ iz kojeg razloga nije u skladu sa tenderskom dokumentacijom ugovornog organa, pa je shodno odredbi člana 2. stav 2. tačka 1) podtačka 3) Zakona o javnim nabavkama BiH ponuda ovog ponuđača ocijenjena nepravilnom.

Daljom ocjenom Komisija za javne nabavke utvrdila je da ponuda ponuđača „AERO EXCLUSIVE“ d.o.o., Kolodvorska 12, Sarajevo, iako sadrži svu potrebnu traženu dokumentaciju, sa ponuđenom cijenom od 19.892,00 KM bez PDV-a odnosno 23.273,64 KM sa PDV-om ugovornom organu nije prihvatljiva jer je znatno veća od osiguranih sredstava predviđenih za predmetnu nabavku.

Odredbom člana 69. stav 2. tačka d) Zakona o javnim nabavkama BiH propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Kako iz naprijed navedenog proizilazi da nijedna od dvije blagovremeno zaprimljene ponude i to ponuđača R&S d.o.o. Igmanska b.b., Vogošća i ponuđača „AERO EXCLUSIVE“ d.o.o., Kolodvorska 12, Sarajevo ugovornom organu nije prihvatljiva, to je u skladu sa odredbom člana 69. stav 2. tačka d) Zakona o javnim nabavkama BiH odlučeno kao u dispozitivu.

Pouka o pravnom lijeku: Protiv ove odluke može se izjaviti žalba Kantonalnom tužilaštvu/tužiteljstvu Zeničko-dobojskog kantona, najkasnije u roku od 5 (pet) dana od dana prijema ove odluke.



GLAVNI TUŽITELJ

Vesna Kaknjo

[Handwritten signature]

Dostavljeno:
2x ponuđači
1x a/a